

PLUTARCHUS VARRONIS STUDIOSUS.

Dissertatio,

quam,

Permittente amplissimo Universitatis Fenniae

Philosophorum collegio,

Praeside

GABRIELE REIN,

*Philos. Doctore, Histor. Professore P. O.,
Ordinis Imp. S:t Wladimiri in IV Classe Equite,
Societt. Lit. Fenn. Societ. Scientiar. Fennicae,
Geograph. Petrop. Liter. Eston. Reval. Doctae
Liter. Dorpat. Historico-Antiquar. Rigensis,
Sp. Antiquar. Holm. Reg. Antiquar. Bor. Havn.
nec non Instituti Historici Parisiensis vel Socio vel Correspondente.*

Honores Doctoris petens,

P. P.

J. J. GUILIELMUS LAGUS

*Philos. Mag. et Licent.,
Graecarum Litterarum Docens.*


In Auditorio Juridico die xv:mo mensis Junii a. MDCCCLXVII.

h. a. m. s.

Helsingforsiae,

ex officina typographica Freuckelliana.

Alv 107



Prooemium.

Cogitanti mihi quaenam caussae sint, cur adeo de Plutarcho docti homines discrepent, ut in contrarias fere partes eorum abeant sententiae, quippe quem alii magnifice laudent, alii vehementer reprehendant, nulla major occurrit, quam quod ratio ejus librorum et quasi aedificium a plerisque etiamnunc ignorari videtur. In Historia enim quum veritas ante omnia spectetur, maximi momenti esse debet scire illud, unde quisque rerum scriptor ea, quae posteritatis memoriae tradit, sumserit. Neque igitur recentiori Philologiae defuerunt, qui in talia studia operam et industriam singularem conferrent. Fontes enim aperuerunt Herodoti Gattererus et Larcherius; Polybii Lucasius; Dionysii Beaufortius; Diodori Heynius; Strabonis, Plutarchi, Trogi Pompeji vel Justinii Heerenius; Appiani Schweighaeuserus; Dionis Cassii Wilmansius; Cornelii Nepotis Hisely et Wichersius; Livii Meierotto et Lachmannus; Taciti Meierotto, Voelckelius, Rupertius; Suetonii Krausius, aliorum alii.

Quare longe nobis antiquissimum rati sumus viam investigationis ab omnibus librorum Plutarchi existimatoribus, praeter

num Heerenium, qui in hac tamen re instar omnium esse nequit, neglectam paeneque derelictam ingredi. Quae quoniam iis quaestionibus continetur, e quibus potissimum pendet, utrum scriptor laude an vituperatione dignus sit judicandus, accurata consideratione opus est, ne quid temere vel affirmemus vel recusemus. In quam partem nonnulli peccasse videntur, qui iudicia de Plutarchi fontibus cursim fecerunt, speciem magis quam specimen doctrinae testificantia. Veluti, ut hoc unum commemorem, Valerium Antiatem Krausius 1) a Plutarcho ipso nunquam lectum arbitratur, eundem W. A. Beckerus 2) — scilicet, ut ejus, qui istum fide minus dignum scriptorem potissimum sequatur, laudem facillime deminuat — in praecipuis Plutarchi auctoribus numerat.

Tantum igitur abest, ut in iis aequiescamus, quae de hujus scriptoris vel praestantia vel vitiis usquequaque litteris mandata sunt, ut ne Heerenii quidem doctissimae commentationes nobis satisfaciant. De quibus idem ac nos alii quoque sensisse videntur; renovarunt enim inquisitionem auctorum Vitarum Pyrrhi et Flaminii Baehrius 3), Catonis Uticensis Wentzelius 4).

Habet autem Heerenius, Rualdum et Bartonum aliosque veteres scriptores secutus, ut in alio jam libello si-

1) De ejus errato v. Diss. meam *Plut. Vit. Cic. Script. Prooem.* n. 22.

2) *Handb. d. Röm. Alterth. Th.* 1. Lpzg 1843 p. 52.

3) In editione sua.

4) In *Jahrb. f. Philol. u. Paedag.* Bd. X. H. 1. p. 91—100.

gnificavimus, existimationem de Plutarchi studiis Latinis eam, quam, si rem diligentius perpenderis vix comprobare possis. Verumtamen ei quasi fundamento cuidam totam suam disputationem superstruxit. In quo mirari licet, quam levi saepe momento lux veritatis obruatur. Neque enim mihi Heerenii opinio tam corrigenda, quam leviter inflectenda videtur. Qui si majore aequitate innumerabiles paene locos Plutarchi, quos e latinis fontibus fluxisse ipse, etsi invitus fere, concessit, ponderasset, certe ad aliam sententiam se inclinasset. Sed hoc quominus faceret, impedierunt tum praejudicatum, quod modo dixi, tum praecipue ea res, quod quomodo et quatenus Plutarchus suis auctoribus usus esset, quaerere neglexit, eorum sola nomina enumeravit. Atqui permoti illius sententia et auctoritate multi eundem scriptorem exagitarunt.

Quod si, quemadmodum plurimi censent, praecipua errata, quae apud Plutarchum *Ποικίλων βίονς συγγράμματα* inveniuntur, inde orta sunt, quod latine non satis bene sciens, scriptoribus, ea lingua usis, recte uti nequirit, unde factum est, ut Graecorum res idem nonnunquam falso exponat? Quamquam enim probe teneo, vitium non posse vitio, quasi clavo clavum ejici, singula tamen menda, quae nulli unquam scriptores plane evitarunt, non ad vivum resecanda puto, neque ex iis de universa ratione librorum judicare aequum esse. Spero igitur me aliquantulum luminis huic quaestioni allaturum, si nulli praejudicatae opinioni addictus, ipsum Plutarchum quodammodo pro se dicentem fecero. Hoc et nuper in dissertatione, quae a me edi coepta est, de Plutarcho vitae Ciceronis scriptore, conatus sum, nec nunc simile consilium repudiare

volui. Verum ad hujusmodi quaestiones quamquam eorum exemplo et auctoritate, quos dixi, invitatus sum, tamen, quum finem investigandi mihi duplicem proposui, unum, ut Graecum scriptorem ex sua lectione judicem, alterum, ut quaedam auctorum ejus Romanorum fragmenta, quae dicuntur, dissipata in unum locum conferam, hac in re consistit quaedam a superioribus, qui priorem tantum finem secuti sunt, commutatio et dissensio, ut mihi quidem videtur, haud inutilis. Etenim quum perspicerem, quantam quum omni tempore tum nostra imprimis memoria, viri eruditi reliquiis librorum, qui intererunt, colligendis et edendis operam dedissent, eaque studia antiquarum litterarum multum sublevata, nec tamen adhuc omnem Romanorum scriptorum notitiam, quae in Graecorum lateat thesauris, exhaustam esse intelligerem, lectiunculas meas ita moderatus sum, ut, Graecis Latina semper adjungens, quantum in me esset, huic rei scribens etiam de fontibus Plutarchi subvenire possem.

Hac tamen occasione praescriptae brevitati inserviens, Vitas parallelas non attigi, sed e libro tantum, qui *Αἰτιαὶ Πωμαϊκαὶ* inscriptus est, aliquot locos illustrandos elegi et eos ipsos, ubi Varronis, *πολογραφώτατου* Romanorum omnium vestigia apparerent; alios in tempus aliud reservandos putavi. Quamobrem dissertationi Franckenii 5), quemadmodum ex inscriptione sola mihi nota suspicor, consentit suo genere mea, quantumvis licet ab ea fine differat.

5) *Diss. exhibens fragmenta Terent. Varronis, quae inveniuntur in libris S. Augustini de Civit. Dei. Lugd. Bat. 1836.*

Varro Plutarcho notus.

Constat inter omnes, Quaestionibus, quas interpretantur, Romanis a Plutarcho conscriptis prae omnibus libris ad hujus populi antiquitates pertinentibus, qui etiam nunc supersunt, palmam esse deferendam. Quod utrum ipsarum merito atque excellentia, an temporis quadam invidia, qua ceteri earundem rerum scriptores, quorum legimus miram fuisse multitudinem, interciderunt, sit factum, alii dijudicent.

Nobis certe compertum est, eas, quamvis interdum primo aspectu minutae et paene nugatoriae videantur, maximum tamen pondus, si recte iis utamur, afferre, ad intelligendos mores permultos, qui caussarum obscuritate involuti jacent. Neque eam rem parvi facere debemus, quod singulis Plutarchus capitibus, quae semper ab interrogatione illa *Αὐτὸ τί* incipiunt, singulos mores et instituta simpliciter nudeque exponit, quorum deinde originem vel ex sua vel ex aliorum sententia persequi conatur. Quare, quoniam, re ipsa integra manente, liberum lectorum judicium relinquitur nec ulla asseveratione impeditur, id quod sibi veri simillimum vel maxime probabile videtur, quisque eligendi potestatem habet. Accedit, quod ex Latinis fontibus, quibus plerumque nomina scriptorum apposita sunt, maximam partem illae quaestiones deducuntur; quocirca

ne sint Graecarum opinionum commentis, quibus scatet tota Romana Historia antiquior, inquinatae, vereri nobis non opus est.

Verum enim vero haud scio, an nulli alii scriptori liber ille, de quo agimus, et plures res et plura iudicia debeat, quam Varroni ipsi; cujus quam copiosa et diligens antiquitatis pervestigatio fuerit, quantaque auctoritas et fides, nemo sane ignorat. Hoc ipsis demonstrabitur exemplis, vel si minus, reliquiis scriptorum ejus deperditorum, in quibus accurate e Plutarcho colligendis et illustrandis nostra dissertatio versabitur.

Neque igitur vel quaestioni I:mae: *ed. Wyttēb. p. 70 ed. Reisk.: Διὰ τί τὴν γαμουμένην ἀπτεσθαι πρὸς καὶ ὕδατος κελεύουσι;* quamquam ibi auctoris nomen desideratur, notae tamen et vestigia, satis, ut mihi videntur manifesta, Varroianae doctrinae desunt. Eum enim de hoc Romanorum more scripsisse aperte indicat SERV. *Aen. (ed. L. Lucius. Basiliae 1613. Fol.) IV, 167: "Varro dicit: aqua et igni mariti uxores accipiebant"* 6). Tum caussae hujus instituti, quae a Plutarcho subjunguntur, eidem auctori assignandae sunt. 1: *πότερον τούτων, ὡς ἐν στοιχείοις καὶ ἀρχαῖς, τὸ μὲν ἄρρεν ἐστὶ, τὸ δὲ θῆλυ καὶ τὸ μὲν ἀρχὰς κινήσεως ἐνίησι, τὸ δὲ ὑποκειμένου καὶ ὕλης δύναμιν*, fontem enim, ex quo LACTANT. *Inst. Div. (ed. Fritsch. Lpzg 1842) II, 9, 21* similima hauserit: "Ignis quasi masculinum elementum est, aqua

6) Ex eodem haec: "Aqua et igni-accipiuntur nuptae" (ita enim Ursinus legendum putat) ad Paulum p. 3 (Festum) profluxisse, ob verborum similitudinem crediderim.

quasi femininum: alterum activum, alterum patiabile. Ideoque a veteribus institutum est, ut sacramento ignis et aquae nuptiarum foedera sanciantur", fuisse quendam suum librum, ipse quodammodo testatur VARRO ap. Cic. *Acad.* I, 7: "Ex iis ortae animantium formae earumque rerum, quae gignuntur e terra. Ergo illa initia, et — elementa dicuntur: e quibus (aer et) ignis movendi vim habent, et efficiendi: reliquae partes, accipiendi et quasi patiendi, aquam dico, (et terram)" atque ipse *De Ling. Lat.* (ed. Spengel. Berol. 1826. 8:o) V, 10, 18, p. 67: "duplex causa nascendi ignis et aqua: ideo ea nuptiis in limine adhibentur —; hic et mas ignis quod ibi semen, aqua femina quod fetus ab ejus humore" — 7). 2: ἡ διότι τὸ πῦρ καθαίρει, καὶ τὸ ὕδωρ ἀγνίζει· δεῖ δὲ καθαρὰν καὶ ἀγνὴν διαμένειν τὴν γαμηθεῖσαν, aequae ac PAUL. *De Verb. Signif.* (ed. Lindeman. Corp. Grammat. T. II. Lips. 1833. 4:to) p. 66: "Facem in nuptiis in honorem Cereris praeferebant; aqua aspergebatur nova nupta, sive ut casta puraque ad virum veniret, sive ut ignem et aquam cum viro communicaret", eidem deberi si non ex annotatione nostra sexta, at ex alia ratione, quam mox afferemus, elucebit. 3: ἡ ὅτι, καθάπερ τὸ πῦρ χωρὶς ὑγρότητος ἀτροφὸν ἐστὶ καὶ ξηρόν, τὸ δὲ ὕδωρ ἀνευ θερμότητος ἀγονον καὶ ἀργόν· οὕτω καὶ —. repetit ex parte VARR. l. l.: "omne corpus, ubi nimius ardor aut humor, aut interit, aut si manet, sterile". Pulcherrima denique caussa 4: ἡ οὐκ ἀπολειπτέον, καὶ κοινωνητέον ἀπάσης τύχης, καὶ καλοῦ μηδενός, ἡ πυρὸς καὶ ὕδα-

7) Cf. *Macrob. Sat.* 1, 8.

τος, μέλλωσι κοινωνεῖν ἀλλήλοις, quae Plutarcho potissimum placuisse videtur; latet in iis, quae apud Paulū nuperrime legimus. — Quod si cui argumenta, quibus adhuc nostram sententiam comprobare conati sumus, exigua nec satis probabilia videntur, restat aliud, majus fortasse.

Varronem enim fusius nuptiarum Romanorum ritus, de quibus mentio a nobis facta est, tractasse, quum ex aliis aliorum scriptorum locis, tum ex sequenti quaestione Plutarchi 2:da ed. W. p. 71 ed. R.: *Διὰ τί οὐ πλείονας, οὐδ' ἐλάττονας, ἀλλὰ πέντε λαμπάδας ἄπτουσιν ἐν τοῖς γάμοις, ἃς κηρίωνας ὀνόμαζουσιν; πότερον, ὡς Βάρεθρον ἔλεγεν, ὅτι τῶν στρατηγῶν τρισὶ χρωμένων, σὺν τοῖς ἀγορανόμοις πλείονας, παρὰ δὲ τῶν ἀγορανόμων ἄπτουσι τὸ πῦρ οἱ γαμοῦντες* — apparet; in qua quum gravissimus harum rerum auctor citetur, dubium esse non potest, quin haec cum iis, quae supra attulimus, conjuncte descripta fuerint. Quod autem ad ipsam quaestionem pertinet, duo sunt, quae me explicaturum vix pollicear. Quorum alterum quidem in sententiae obscuritate inest. Sed quomodo haec tollatur, iis videndum erit, qui criticas, quas vocant, libri hujus editiones curabunt. Certe enim verba *σὺν τοῖς ἀγορανόμοις πλείονας*, ut jam Wyttenbachius annotavit, corrupte leguntur. Miramur etiam, quod numerus ille quinaris, quem saepius Plutarchus urget 8), apud alios scriptores non reperitur. Quae res tamen, quoniam auctoritate magni scriptoris affirmatur, considerationis magis est

8) Ex. gr. *Περὶ τοῦ Πί κτλ. p. 524 sq. Περὶ τῶν ἐκλειοιπ. χρηστ. p. 685 ed. R.*

quam dubitationis. Altera vero loci difficultas ex eo oritur, quod Plutarchus, tacentibus ipsis Romanorum scriptoribus, facies illas, quae nubentibus praeferri solitae sunt, Cereas (*κηρίαντας* I. *κηρίωνες*) appellat. Erat enim, quemadmodum et ipse Varro ap. Non. *De Propr. Serm.* (ed. Mercer. Paris. 1614. Lips. 1826. 8:o) p. 112 et FEST. p. 211 et PLIN. *H. N.* (ed. Harduin. Voll. 5. Paris. 1785. 4:to) XVI, 18, 30, et alii ab Harduino allati scriptores significant: "spina (alba) nuptiarum facibus auspicatissima". Quid? si in memoriam revocaris ea Pauli verba, quae Varroni fonti modo attribui, nonne mecum colliges, Plutarchum nomen Cereris, in cujus honorem faces illas adhibebant Romani, cum verbo Cereio confudisse. Alia conjectura alii uti maluerunt, teste Wytttenbachio: "*Cereos* a Plutarcho dictos, diversos esse a *facibus nuptialibus* auspicatus est doctissimus Trekellus".

Idemne fons quaestionum 3:tiae ed. W. p. 71 ed. R. et 4:ae ed. W. p. 72 et R. habendus est? Fit enim utrobique templorum Dianae mentio. Ex illo tamen loco nihil certi discere possumus, hic nobis duobus finibus, iisque maximis, inserviet. Valet enim ad evertendam illam magni scriptoris LACHMANNI, *Comment. de fontt. Liv.* I, 45., opinionem: "Sed doctissimi quoque Varronis annales ab u. c. satis ample scriptos, ut videtur, (Charisius enim e tertio libro aliquid de Servio Tullio affert) in quibus sine dubio aeram suam probavit, et librum, quo initia Urbis enarravit; Quintil. I, 7, 12 (nisi is cum annalibus idem est) non adhibuit (Livius), nec Antiquitatum libros, quibus Dionysius etiam usus est". Tum praeclare ostendit, qua Plutarchus diligentia auctoribus suis

usus est. Comparata igitur verba Livii I, 45 et Plutarchi, vel potius Varronis, quem accurate illi secuti sunt, ascribam.

Διὰ τί τοῖς ἄλλοις Ἀρτεμισί-
οις ἐπεικὸς ἐλάφον κέρατα
προσπαταλεύουσι, τῷ δ' ἐν
Ἀβεντίνῳ βοῶν; ἢ τοῦ παλαιοῦ
συμπτώματος ἀπομνημονευόν-
τες; λέγεται γὰρ ἐν Σαβίνοις
Ἀντρώνι Κορατίῳ βοῦς εὐπρε-
πὴς ὅφει καὶ μεγέθει διαφε-
ρῶσα τῶν ἄλλων γενέσθαι. μίν-
τεως δὲ τινος αὐτῷ φράσαντος,
ὅτι τοῦ καθιερέσαντος Ἀρτέ-
μιδι τῇ βοῦν ἐκείνην ἐν Ἀβεν-
τίνῳ, πέπραται, μεγίστην γέ-
νέσθαι, καὶ βασιλεύσαι τῆς
Ἰταλίας ἀπάσης τὴν πόλιν, ἐλ-
θεῖν μὲν εἰς Ρώμην τὸν ἄν-
θρωπον, ὡς θύσαντα τὴν βοῦν
οἰκέτου δὲ κρύφα τῷ βασιλεῖ
Σερονίῳ τὸ μαντεύμα φράσαν-
τος, ἐκείνου δὲ Κορηλίου τῷ
ιερεῖ, προσταξάει τὸν Κορη-
λίον τῷ Ἀντρώνι λούσασθαι
πρὸ τῆς θυσίας ἀπὸ τοῦ Θύμ-
βρεως· νενομίσθαι γὰρ οὕτω
τοὺς καλλιεροῦντας. ἐκείνον μὲν
οὖν ἀπελθόντα λούσασθαι, τὸν
δὲ Σερονίον φράσαντα, θύσαι

"Bos in Sabinis nata, cuidam
patrifamiliae dicitur, miranda
magnitudine, ac specie. Fixa
per multas aetates cornua in
vestibulo templi Dianae, mo-
numentum ei fuisse miraculo.
Habita, ut erat, res prodigii
loco est: et cecinere vates, cu-
jus civitatis eam civis Dianae
immolasset, ibi fore imperium;
idque carmen pervenerat ad an-
tistitem fami Dianae. Sabinus,
ut primum apta dies sacrificio
vis est, bovem Romam actam
deducit ad fanum Dianae, et an-
te aram statuit. Ibi antistes Ro-
manus, quum eum magnitudo
victimae celebrata fama movis-
set, memor responsi, Sabinum
ita alloquitur: Quidnam tu ho-
spes paras? inquit, inceste sacri-
ficium Dianae facere? Quin tu
ante vivo perfunderis flumine?
Infima valle praefluit Tiberis.
Religione tactus hospes, qui
omnia, ut prodigio responderet
eventus, cuperet rite facta, ex-

τῇ θεῇ τὴν βοῦν, καὶ τῷ ἱερῷ temple descendit ad Tiberim.
τὰ κέρατα προσποταλεῖσαι. Interea Romanus immolat Dia-
τάβτα καὶ ὁ Ἰόβας ἐστόρηκε nae bovem, id mire gratum regi
καὶ Βάρρωνι, πλην ὅτι τοῦ atque civitati fuit" 9).

νόμα του Ἀντωνος. Βάρρων οὐ γέγραφε, οὐδ' ὑπὸ Κορ-
νηλίου φησὶ τοῦ ἱερέως, ἀλλ' ὑπὸ τοῦ νεωτέρου, παρακρου-
οῦνται τὸν Σαβῖνον.

Distincta comparatio Jubae et Varronis, qua narratio Plu-
tarchi concluditur, documento est, quantum huic in historia
auctoritatis ipse tribuerit, quum vel minimas res, quibus ab
aliis discreparet, indicandas duxerit. Quam circumspectionem
utinam in omnibus adhibuisset, majore ipse auctoritate etiam
nunc esset.

Tantum tamen abfuit, ut ex Varronis, etsi praestan-
tissimi auctoris, sententia penderet, ut eam interdum vel im-
probaret vel penitus rejiceret. Hoc quum alibi fecit, tum in
quaestione, quae sequitur 5:ta ed. W. p. 73 sq. ed. R.: *Διὰ τί*
τοὺς τεθνάναι φημισθέντας ἐπὶ ξένης ψευδῶς, καὶ ἐπανελθόντων,
οὐ δέχονται κατὰ θυράς, ἀλλὰ τῷ κεραμῷ προσβαίνοντες
εἰς καθύπευκτον αὐτοῦ; ὁ μὲν γὰρ Βάρρων αἰτίαν
μυθικήν ὁλῶς ἀποδίδωσι. De quo Romano more,
quamquam haec mentio ut jam Wytttenbachius vidit, singula-
ris est, verba tamen Varronis, cujus librorum partes supersti-

9) Livium negligentius secutus Val. Max. VII, 3, 1. hoc trahit su-
perstitionem: "urbem nostram tot civitatum tot gentium dominam
pio, sacrificii furto, reddidit antistes."

tes o Plutarchio quaserere constituimus, transcribere debemus. Sunt igitur haec: *φησὶ γὰρ (Βάβρων), ἐν τῷ περὶ Σινελίαν πόλεμῳ ναυμαχίας μεγάλης γενομένης, καὶ κατὰ πολλῶν φήμης οὐκ ἀληθοῦς, ὡς ἀπολωλότων, φρεσίν, ἐπανελθόντας αὐτοὺς ὀλίγῳ χρόνῳ πάντας τελευτῆσαι. ἐνὶ δ' εἰσιόντι τὰς θύρας ἀπαρτῆσαι κλειομένας ἀπ' αὐτομάτου, καὶ μὴ χαλᾶν ἐπιχειρούντων ἀνοίγειν. τὸν δ' ἄνθρωπον αὐτοῦ καταδαρδέντα πρὸ τῶν θυρῶν ἰδεῖν κατὰ τοὺς ὕπνους ὅψιν υφηγουμένην αὐτῷ τὴν ὑπὲρ τὸ τέγος εἰς τὴν οἰκίαν, καθήμενῳ ποιήσαντα δὲ οὕτως, εὐτυχῇ γενέσθαι καὶ γηραίον. ἐκ δὲ τούτου τὸ ἔθος καταστῆναι τοῖς ὕστερον.* Hanc caussam Plutarchus, ut modo significavimus, commentitiam esse censet, quare in ejus locum aliam ex Graecarum et Romanarum consuetudinum convenientia ductam, substituit: *ὅρα δέ, μὴ καὶ ταῦτα τρόπον τινὰ τοῖς Ἑλληνικοῖς ἔοικεν.* cet.

Ista explanatione improbata, libros Varronis Plutarchus diutius jacere sivit. Neque enim in iis, quae proxime sequuntur, quidquam reperimus, quod istuc referre aliqua necessitate cogamur. Cavere enim oportet, ne qualibet vel rerum vel verborum similitudine commoveamur. Nescio igitur quo casu coeco factum sit, ut Wytttenbachius, qui ceteroquin in fontium hujusce libri investigatione non versatur, annotaret ad *Ait.* 10 p. 79 sq. ed. R.: "Totum hujus quaestionis argumentum, exemplum Aeneae et Diomedis, caetera, Plutarchum a Varrone sumsisse apparet ex Servio ad Virgil. Aen. II, 165. III, 406." 10), atque paulo post ad *Ait.*

10) Citantur ap. Wytttenb. loci Servii III, 166 et IV, 407 — vitio, opinor, typographorum. Utroque enim res ab hac quaestione

11 p. 81 ed. R.: "Quaestio conjunctim tractata cum antecedente a Varrone; ut apparet e Servio ad Virgil. Aen. III, 406 et Macrobio, Sat. I, 8". Quod enim ad priorem doctissimi viri annotationem attinet, Servius II, 165., quamquam de Diomede Aeneaeque sacrificio et Naute scribens, Varronem profert, eo tamen auctore nisi minimam rerum, quas uberius ipse III, 406 et Plutarchus narrant, particulam, cognoscere non potuit. Et eum duobus istis locis eundem fontem non adhibuisse, facile mecum colliges, si tertium V, 703 legeris, ubi in causa Nautiorum excitantur libri Varronis, "quos de familiaribus Trojanis scripsit". Quae verba, quantum ego judico, aperte indicant, ea, quae teste Servio II, 165: "Varro plenissime dixit", historiam gentis Nautiorum praecipue attigisse, consuetudinem Romanorum sacrificantium capita velandi, ejusque exceptiones, de quibus Plutarchus et Servius III, 406 loquuntur, non item. Neque omnino (ut ad ipsam quaestionem veniamus) Varrone, quamvis is in libro quodam similes res scripserit, Servius III, 406 (a verbis: "Sane sciendum cet.") usus est, quemadmodum elucet ex eo, quod continuata oratione de veneratione Herculis ea ipsa exponit, quae Macrobius Sat. III, 6 apud eum reperiri diserte negat: "Custoditur in eodem loco ut omnes aperto capite sacra faciant (Herculi) — Varro ait Graecum hunc esse morem — Gavius Bassus ideo hoc fieri dicit, quia ara maxima ante adventum Aeneae in Italia constituta est, qui hunc ritum ve-

prorsus diversae adumbrantur; altero ne nomen quidem Varronis auctoris reperitur.

landi capitis invenit". Quin etiam Plutarchus si hunc morem et Graecum esse (quod idem censet Dion. Halic. p. 27 ed. Syll. Lit. I, 27) et a consueto deorum cultu abhorrentem, cuiusmodi huius industrie collegit exempla Ait. II. 13; haec inquam si ex Varrone cognovisset, verisimile est, ut mentionem istius moris non plane omitteret. Ab hoc praeterea discrepat ea re, quae continetur haec comparatione:

ἀποκαλύπτονται τοῖς δυνατό-
τεροις, οὐ τιμὴν αὐτοῖς προσ-
τιθέντες, ἀλλὰ τὸν φόβον
ἀνδρῶν, μᾶλλον ἀπαρνούσας,
ἢ ἀπὸ μὴ δόξαι τὰς αὐτὰς τοῖς
θεοῖς τιμὰς ἀπακτείν.

Quae autem paulo infra congruenter exponuntur, quorumque partem quandam tangit altera Wyttienbachii annotatio:

ἡ μᾶλλον εὐλαβούμενοι τινα
φωνὴν προσπεσεῖν αὐτοῖς ἐξω-
θεν εὐχομένους ἀπαίσιον καὶ
δυσφημον, ἄχρι τῶν ὧτων ἀνε-
λαμβάνον τὸ ἱμάτιον;

Ait. II. ed. W. p. 81 ed R.:
Διὰ τί τῷ Κρόνῳ θύουσιν
ἀπαρακαλύπτῳ τῇ κεφαλῇ; πό-
τερον ὅτι τὴν ἐγκάλυψιν Αἰ-
νείας παρέδωκεν, ἢ δὲ τοῦ
Κρόνου θυσία καμπάλοις
ἐστίν; —

PLIN. XXVII, 17: "Capita aperiri aspectu magistratum, non venerationis causa iussere, sed, ut Varro auctor est, valetudinis; quoniam firmiora, consuetudine ea fierent"

SERV. III, 406. "Sane sciendum, sacrificantes Diis omnibus capita velare consuetos, ob hoc, ne se inter religionem aliquid vagis afferebat obtutibus" —

— "excepto tantum Saturno, ne numinis imitatio esse videretur; quia Saturno velato capite incenditur, (et Herculi in templo suo, —); vel quia hae arae ante adventum Aeneae consecratae sunt".

haec ex Varrone sumpta esse, qui comprobari poterit? Ex Macrobio I, 8 minime; is enim et aliter causam explicat:

"Graeco ritu capite aperto res divina sit," 11) nec Varro-
eius rei auctorem citat.

Magis in aperto est, quid de quaestione 14 ed. W. p.
82 ed. R. statnendum sit. Nam Plutarchus exempli causa
locum Varronis transcripsit, quem ipse *De L. L. V.*, 4, 9 ex
parte quadam iterare videtur. Conferas igitur haec:

ἐπὶ τῶν τάφων, ὡς φησι
Βάρρων, περιστρέφονται 12),
καθάπερ θεῶν ἱερὰ τιμῶντες τὰ
τῶν πατέρων μνήματα, καὶ
καύσαντες τοὺς γονεῖς, ὅταν
ὁστέω πρῶτον ἐντύχῃσι, θεὸν
γεγονέναι τὸν τεθνηκότα λέ-
γουσι 13).

"Romanus combustus est, (si)
in sepulchrum ejus abjecta gle-
ba non est, aut si os exceptum
est mortui ad familiam pergan-
dam; donec in purgando humo
est opertus, (ut Pontifices di-
cunt, quoad *inhumatus* sit) fa-
milia funesta manet et dicitur
humilior."

Certe obscuriora Varronis verba: "os exceptum est mortui ad
familiam purgandam" 14) ex Plutarchi ὅταν ὁστέω πρῶτον ἐν-
τύχῃσι, ut jam Wytttenbachius docet, interpretari debemus.

Quem illud quaerens, *Ait.* 27 ed. W. p. 97 ed. R.: Διὰ τί
πᾶν τεῖχος ἀβέβηλον καὶ ἱερὸν νομίζουσι, τὰς δὲ πύλας οὐ
νομίζουσιν; ἢ καθάπερ ἔγραψε Βάρρων τὸ μὲν τεῖχος
εἰρὸν δεῖ νομίζειν, ὅπως ὑπὲρ αὐτοῦ μάχωνται προσθύμως καὶ

11) Cf. Dion. Halic. p. 27. ed. Sylb.

12) Male vulgo legitur περιστρέφονται.

13) Cf. Cic. *Legg.* II, 22: "nisi majores eos, qui ex hac vita mi-
grassent, in Deorum numero esse voluissent."

14) Cf. Cic. *l. l.*

ἀποδείκνυσιν, cet. sequitur, eundem quum toto hoc loco inspexit tum iterum *Ρωμύλ.* (*Vitt. Paralt. ed. Senteni. Voll. 3. Lipsi. 1839—1843. 8vo*) II., ubi de ritibus in urbe condenda servatis plenius scribit, sed hic auctoris nomen reticuit. Institutum autem Romanorum, quum vere (*Cic. N. D. III, 40*: "Muros urbis sanctos esse." *Isidor. XV, 4, 2*), ex fonte, quem ipse affert, narrarit, reliquum est, ut cetera etiam, quae antiquissimum morem spectant, indidem profluxisse, demonstremus; Ὁ δὲ *Ρωμύλος* — ὥκισε τὴν πόλιν ἐκ *Τυφέρνης* μεταπεμφάμενος. ἄνδρας ἱεροὺς τισὶ θεσμοῖς καὶ γράμμασιν ὑφ' ἡγουμένους ἕκαστα καὶ διδάσκοντας, ὥσπερ ἐν τελετῇ. *Βόθρος* γὰρ ὠρυγῇ περὶ τὸ νῦν *Κομίτιον* κυκλωτερῆς, ἀπαρχαὶ τε πάντων, ὅσοις νόμῳ μὲν ὡς καλοῖς ἐχρῶντο, φύσει δ' ὡς ἀναγκαιοῖς, ἀπετέθησαν ἐνταῦθα. Καὶ τέλος ἐξ ἧς ἀφίκτο γῆς ἕκαστος ὀλίγην κομίζων μοῖραν ἐβαλλον εἰς ταῦτα καὶ συνεμίγνυνον. Καλοῦσι δὲ τὸν βόθρον τοῦτον ἢ καὶ τὸν Ὀλυμπὸν ὀνόματι *μ ο ὕ ν θ ο ν*. Εἶτα ὡς περὶ κύκλον κέντρον περιέγραψαν τὴν πόλιν. Ὁ δ' οἰκιστὴς ἐμβαλὼν ἀρότρον χαλκῆν ὕνιν, ὑποζεύξας δὲ βοῦν ἄρρενα καὶ θήλειαν, αὐτὸς μὲν ἐπ' αὐγῇ περιλαύνων αὐλάκα βαθεῖαν τοῖς τέρμασι, τῶν δ' ἐπομένων ἔργον ἐστὶν ἃς ἀνίστησι βώλους τὸ ἀρότρον καταστρέφειν εἰς αὐτὴν καὶ μηδεμίαν ἔξω περιορᾶν ἐκτρέπομένην. Τῇ μὲν οὖν γραμμῇ τὸ τεῖχος ἀφορίζουσι καὶ καλεῖται κατὰ συγκατῆν *π ω μ ἡ ρ ι ο ν*, οἷον ὅπισθεν τεῖχους ἢ μετὰ τεῖχος ὅπου δὲ πύλην ἐμβαλεῖν διανοοῦνται τὴν ὕνιν ἐξελόντες καὶ τὸ ἀρότρον ὑπερθέντες διάλειμμα ποιοῦσιν. Ὅθεν ἅπαν τὸ τεῖχος ἱερὸν πλὴν τῶν πυλῶν νομίζουσι. τὰς δὲ πύλας ἱερὰς νομίζοντας οὐκ ἦν ἄνευ δεισιδαιμονίας τὰ μὲν δέχεσθαι, τὰ δ'

ἀποπέμψαν τὸν τε ἀφαικτῶν καὶ τὸν μὴ καθαρῶν. His igitur conferenda sunt verba Varronis, *De L. L. V, 32, 40*: "Qua viam relinquebant in muro, qua in oppidum portarent, *Portas*. Oppida condebant in Latio Etrusco ritu multi, id est junctis bobus, tauro et vacca interiore aratro circumagebant sulcum. — quod erat post murum Postmoerium dictum. —" (Cf. Varron. *De R. R. II, 1, 10* et, qui eum sequitur Columell. *De R. R. VI, prooem. 7. ed. Gesner. Scriptt. Rei Rust. Voll. 2. Lips. 1735. 4.to*), in quibus, quasi in seminibus quibusdam latentem, agnoscimus uberiores earundem rerum expositionem ex alio Varronis libro a Plutarcho haustam. Hic igitur quamvis, ut infra viderimus, invitus saepe in enodandis nominibus etymologias Varronis sequatur, ejus tamen explicationem Pomoerii et Portae jure probavit. Porro *βόθρος*, quem interpretatur, fossa est diis Manibus consecrata, de qua, teste Macrob. *Sat. I, 16*: "Varro ita scribit: *Mundus*, cum patet — cet." V. etiam Ovid. *Fast. IV, 821 sq.* (cf. Serv. *III, 133*), qui, ut docuisse dicitur Merkelius, in his libris Varrone inprimis usus est auctore 15). In eo denique

- 15) Quid sit mundus patens breviter adumbravit SCHUCH, *Privat-Alterth. d. Röm.* Karlsruhe 1842. p. 360: "Euphemistischer Name (sc. Tartari) *Mundus* seq. *Ditis, Orci*. Oeffnung derselben auf dem Comitium immer mit einem Steine, *lopis manalis*, bedeckt, am 24 Aug., 5 Octob. und 8 Nov. aufgedeckt, welche Tage den Unterirdischen geweiht, traurig und ungünstig zu jedem Geschäfte, *mundus patet*; die Höllethore gleichsam geöffnet und die Bewohner befugt nach Belieben zu subistiren." Haec Fest. p. 172 et Paul. p. 103 a. v. *Mundus*, ex li-

ambo consentiunt, quod Etrusco ritu Romam conditam tradunt. Cf. etiam Liv. I, 44.

Quaestionem 28: mam ed. W. p. 97 ed. R.: *Διὰ τί τοὺς παῖδας, ὅταν ὀμνύωσι τὸν Ἡρακλέα, κολύουσιν ὑπὸ στέγῃ τοῦτο ποιεῖν, καὶ κελεύουσιν εἰς ὑπαιθρον προῖεναι;* etiamnunc a Varrone tractatam legimus, *De L. L. V, 10, 20*: "negant sub tecto per hunc (Dium Fidium l. Herculem) dejerare oportere." et in libro, quem *Catum l. de liberis educandis* inscripsit, ap. Non. p. 494 s. v. *Rituīs*: "qui per deum fidium jurare vult prodire solet in compluvium." Neque tamen ex hoc solo auctore istius religionis caussas Plutarcho notas fuisse affirmare audeo; complures enim indicant illa: *ὡς ἐνιοὶ λέγουσιν.*

Quae sequuntur problemata 29 ed. W. p. 98 ed. R.: *Διὰ τί τὴν γαμουμένην οὐκ ἔωσιν αὐτὴν ὑπερβῆναι τὸν οὐδὸν τῆς οἰκίας, ἀλλ' ὑπεραίρουσιν οἱ προπέμποντες;* 30 ed. W. p. 99 ed. R.: *Διὰ τί τὴν νύμφην εἰσάγοντες, λέγειν κελεύουσιν "Ὅπου σὺ Γαῖος, ἐγὼ Γαῖα;"* 31 ed. W. p. 101 ed. R.: *Διὰ τί ὁ πολυθρύλλητος ἄδεται Ταλασίος ἐν τοῖς γαμοῖς;*, argumenti quodam vinculo inter se juncta sunt. Spectant ritus

bro. Capitonis (lectone etiam a Plutarcho? *Art.* 50 p. 118 ed. R. nota Xylandri), Pontificali, quem etiam Gell. XIII, 14 inspicisse puto de significatione nominis Pomperii. Scripserat quidem eadem ac Varro, de his rebus, Cato, sed brevius; *Isid.* XV, 2, 3. Pompon. Sabiu. *ad Virgil. Aen. (ed. Lucio) V, 754.* Fest. p. 215 s. v. *Prosimurium*; quapropter Serv. V, 754. huic praeter prima verba, cetera, quibuscum bene contentit Plut., debere non videtur.

Romanorum nuptiales. Quos Varro diligentissime percucurrit, quemadmodum et dicit Non. p. 531 s. v. *Nubentes*, et ex iis colligi potest, quae supra, p. 6 sqq., disputavimus. Atque hoc Plutarchus in aliquot saltem illorum morum causis exponendis usus videtur. Ac primus quidem eorum una cum tertio enarratur in *Ρωμύλ.* 15, cujus fontes mox significandi. Quatenus vero loco, quem secundum citavimus, dicitur: ἡ διὰ Γαίαν Κεκίλιαν καλὴν καὶ ἀγαθὴν γυναῖκα τῶν Ταρκυνίου παίδων ἐνὶ συνοικήσασαν, ἧς ἐν τῷ τοῦ Σάγκτου ἱερῷ χαλκοῦς ἀνδρίας ἔστικεν; ἔκειτο δὲ πύλαι καὶ σανδάλια καὶ ἄτρακτοι, τὸ μὲν, οἰκουρίας αὐτῆς, τὸ δὲ, ἐνεργείας σύμβολον. 16), consentiunt, qui Varronem quavis pagina affert PSEUDO-VAL. MAX. *De Praenom.* fin: "Caeterum Cajo usu super omnia celebrata est. Fertur enim, Cajam Caeciliam, Tarquinii Prisci regis uxorem (?), optimam lanificam fuisse; et ideo institutum esse, ut novae nuptae ante januam mariti interrogatae, quanam vocarentur, Cajam esse se dicerent", et Plin. VIII, 48, 74: "Lanam in colo et fuso Tanaquilis, quae eadem Cajo Caecilia vocata est, in templo Sangi durasse, prodente se, auctor est M. Varro. — Inde factum, ut nubentes virgines comitaretur colus compta, et fusus cum stamine." V. etiam Paul. p. 71 s. v. *Gaja Caecilia*. Porro, ut ad tertium problemam veniamus, in voce illa *Talassio* (quacum ipse seite confert Graecorum *Τυρὴν ὃ Ὑπέραιε*), qua nupta, viri domum ingrediens, salutem dedit.

- 16) Priorem causam eandem Plut. affert ac Cic. *pMur.* 12: "quia in aliqujus libris exempli causa id nomen invenerant, putarunt, omnes mulieres, quae coemptionem facerent, Cajas vocari."

tabatur, enodanda, omnes fere auctores, ut ipsi quisque enotuit, contulit, ut e multis locis cognoscitur. Nec in iis acquiescens, quae scripta legerat, sermone quoque audita (ab Sestio Sulla Carthaginensi) narravit. Sententia igitur, quam in libro, de quo agimus, primum, deinde verò alibi etiam, profert: πότερον ἀπὸ τῆς τάλασίας; καὶ γὰρ τὸν τάλανον τάλασιον α 17) ὀνομάζουσι καὶ τὴν νύμφην εἰσάγοντες, νάνος ὑποστρωννύουσιν αὐτῇ δ' εἰσφέρει μὲν ἡλακάτην καὶ τὴν ἄτραπτον, ἐρίῳ δὲ τὴν θύραν περιστέφει τοῦ ἀνδρός., ex fonte, puto, eodem 18), quem excitant Fest. p. 268: "Talassionem in nuptiis Varro ait signum esse lanifici τάλανον, id est quasillum, ita enim solitum appellari Talassionem." (cf. Paul. p. 152), et in auctoribus librorum suorum Plinius, VIII, 48, 74 (verba videas paulo ante a me transcripta). XXIX, 2, 9: "Lanis auctoritatem veteres Romani etiam religiosam habuere, postes a nubentibus attingi, jubentes." 19): minus ei placuit

17) Hoc vocabulum pro corrupto τάλαντον substituendum est.

18) Scribit quidem: Οἱ δὲ πλεῖστοι νομίζουσιν, ὃν καὶ ὁ Ἰόβας ἐστὶ, παράκλησιν εἶναι καὶ παρακλυσιν εἰς φιλεργίαν καὶ τάλασίαν, οὕτω τότε cet. in Πρωμύλ. 15; sed in iis, quos universe profert, Varronem fuisse, vel inde probabile est, quod antea etiam cum hoc auctore Iubam contulit. V. p. 11. In sequenti cap. 16. Πρωμύλ. se Varrone usum fuisse, cit ipse.

19) Alii pro attingi legunt ea cingi. — In ipsum morem cadunt versus LUCANI III, 355 sq.:

Festa coronato non pendent limine serte,
Infuleque in geminos discurrit candida postes.
quos interpretes afferunt.

propter explicationem ipsius nominis, οὐπω τότε τοῖς Ἑλληνικοῖς ὀνόμασι τῶν Ἰταλικῶν ἐπιχευμένων, quemadmodum ipse dicit in *Ῥωμύλ.* 15. Potiorem duxit aliam narrationem, atque eam Historicorum, qui proprie vocantur, *Αἰτ.* 31: ἢ τὸ λεγόμενον ὑπὸ τῶν ἱστορικῶν 20), ἀληθές, ὅτι νεανίας ἦν τις cet., et *Πομπ.* 4: οὗτος ὁ λόγος πιθανώτατός ἐστι τῶν περὶ τοῦ Ταλασίου λεγομένων; ea vero huc non pertinet, neque ex Varrone sumpta videtur.

Hic jam reliqua ad nuptias Romanorum spectantia, quae Varro Plutarchus, nostra sententia, debet, indicanda sunt, licet ita quaestionum ordinem interrumpi necesse sit. Inspiciamus igitur *Αἰτ.* 87. ed. W. p. 148 sq. ed. R.: *Διὰ τί τῶν γαμουμένων αἰχμῇ δορατίου τὴν κόμην διακρίνουσιν;* ad quam lectores suos delegat *Ῥωμύλ.* 15., in cujus capitis auctoribus, sicut nuper suspicati sumus, Varro etiam numerandus est. Neque alium Ovid. *Fast.* II, 560: "Comat virgineas hasta recurva comas." et Paul. p. 48.: "Coelibari hasta caput nubentis comebatur," secuti videntur. Tum rationem etymologicam: ἢ τὰ μὲν πλείστα τῶν γαμικῶν εἰς τὴν Ἥραν ἀνήπτου, Ἥρας δὲ ἱερὸν τὸ δόρυ νενόμισται, καὶ τῶν ἀγαλμάτων αὐτῆς δορατι στηρίζεται τὰ πλείστα, καὶ Κυρίτις ἢ θεὸς ἐπωνόμασται. τὸ γὰρ δόρυ κοῦριν ἐκάλουν οἱ παλαιοί, quam et Paul.

20) Cf. Fest. p. 268: "At quidam historiarum scriptor, Talassium ait nomine virum, rapta virgine unice paucitudoinis, quod ei id conjugium fuerit felix, boni omnis gratis nunc redintegrari." Plut. *Αἰτ.* 31: ὁθεν, εὐτυχὸς γαμου γενομένον, καὶ τοῖς ἄλλοις εἰθίσθησαν ἐπιφανεῖν τὸν Ταλάσιον, quae causa iterum legitur in *Πομπ.* 4. et *Ῥωμύλ.* 15. Liv. I, 9. Serr. I, 651.

l. l., idem quaerens, "vel quia matronae Junonis Curitis innotu-
tela sint, quae ita appellebatur a ferenda hasta, quae lingua
Sabinorum *Curis* dicitur.", et alii permulti comprobarunt 21),
certe Varro quoque, qui plurima Romanorum et verba et in-
stituta ex Sabinis orta putavit, amplexus est. Accedit, quod
eum Macrobius I, 9. auctorem rei cujusdam paulo ante nomi-
nat, quam explicationem illam verbi *Curis* affert.— Si compa-
ratur *Ait.* 105. ed. W. p. 161. sq. et R.:

Αὐτὰ τίνα αἰτίαν ἐν ταῖς δημο-
σίαις ἑορταῖς ἔθος οὐκ ἔστι γα-
μεισθαι παρθένους, αἱ δὲ χηραὶ
γάμουνται; πότερον ὥς ὁ Βά-
ρων εἰρηκεν ὅτι λυπούμεναι
μὲν αἱ παρθένοι γαμοῦνται,
χαίρουσαι δὲ αἱ γυναῖκες ἑορτῇ
δὲ μηθὲν λυπούμενους ποιεῖν,
μηδὲ πρὸς ἀνάγκην;

cum MACROB. *Saturnal.* I, 15:
"Verrium Flaccum juris pon-
tificii peritissimum dicere so-
litum refert Varro, quia fe-
riis tergere veteres fossas lice-
ret, novas facere jus non esset:
ideo magis viduis quam virgi-
nibus idoneas esse ferias ad
nubendum."

facile intelligitur, has narrationes inter se discrepare, etsi utro-
que loco citetur Varro. Nec tamen hoc aenigma est. Etenim
Macrobius ex libro eodem sententiam insulsam Verrii excerpſit,
venustiore ipsius Varronis Plutarchus. Haec haecenus.

Jam ad *Ait.* 32 ed. W. p. 102 sq. ed. R. reuertatur oratio. Neque
vero facile certo dicetur, quem ibi Plut. sequatur. Explicavit qui-
dem morem illum simulacra hominum in Tiberim deiciendi et
causam verbi Argei Varro in libris, quos composuit *De Vita*
pop. Rom., teste Non. p. 523, et *De L. L.* VII, 3, 90; verum

21) Ovid. *Fast.* II, 477. Macrobi. I, 9. Serv. I, 292. Paul. p. 37. cett.

de eo auctore nec hi loci nec Dionys. p. 30, qui plurima eadem ac Plut. tradit, nec scriptores Romani, Cic. *p. Ser. Rosc.* 35. Ovid. *Fast.* V, 621. Fest. p. 259. Macrob. I, 5. 7. (p. 240 ed. Zeun.) clare commonent.

Non item in *Ait.* 54 ed. W. p. 122 ed. R. haerendum. Nam alterius sententiae auctorem citat DONATUS, *Terent. Eun.* (ed. Schrevel. Lugd. Bat. 1651) II, 2, 25. Quare conferas:

Διὰ τί τὰ κρεωπόλια μάκελλα καὶ μακέλλας καλοῦσι; πότερον cēt. 22); ἢ καὶ τοῦτο λυτέον τῇ ἱστορίᾳ 23); λέγεται γὰρ ἐν Ρώμῃ βίαιον ἄνδρα καὶ ληστρικὸν γενόμενον, καὶ περιζώσαντα πολλοὺς, μόγις ἀλῶναι, καὶ κολασθῆναι, τοῦνομα Μάκελλον. ἐκ δὲ τῶν χρημάτων αὐτοῦ δημόσιον οἰκοδομηθῆναι κρεωπόλιον ἀπ' ἐκείνου κτησάμενον τὴν προσήγορίαν.

"Varro humanarum libro: — 'Cupēs' inquit 'et — Macellus, singulari latrocinio multa loca habuerunt infesta. His in exilium actis publicata sunt bona, et aedes ubi habitabant dirutae; exque ea pecunia scalae Deum Penatium aedificatae sunt; ubi habitabant, locus ubi venirent ea, quae vescendi caussa in urbem erant allata. Itaque ab altero Macellum — apellatum est."

Idem brevius dicit Varro *De L.* L. V, 32, 41. et eum secutus Paul. p. 94.

22) Ad hunc locum annotat Wyttenb.: "Sp. Carvilius — haud scio, an a nemine veterum praeter Plut. — memoretur." Addere possumus Dionys. p. 96.

23) Jam antea vidimus Plut., posthabita Etymologia, Historiae testimonio usum, p. 21. n. 20.

Neque de auctore *Διτ.* 57. ed. W. p. 125. ed. R., quam repetit *Περὶ τ. Ρωμ. τυχ.* p. 270 sq. ed. R. et in *Ρωμ. λ.* 4. 24), dubitare possumus. Multa enim sunt indicia. Illud igitur: *Διὰ τί τῇ Ρουμίᾳ θύουσαι, γάλα κατασπένδουσι τῶν ἱερῶν, οἶνον δ' οὐ προσφέρουσιν; ἢ ῥοῦμαν Λατίνοι τὴν θηλὴν καλοῦσι, καὶ Ρουμάνην (συκὴν) ὀνομασθῆναι λέγουσιν; παρόσον ἢ λύκαινα τῷ Ρωμῶνι τὴν θηλὴν παρέσχευ;* testatur Varro *De R. R.* II, 11, 5: "Non negarim — apud divae Rumiae sacellum a pastoribus satam ficum, ibi enim solent sacrificari lacte pro vino, — mammae enim rumi, sive ruinae, ut ante dicebant, a rumi", — et in alio libro ap. Fest. p. 225: "Ruminalem ficum appellatum ait Varro — quod sub ea arbore lupa rumam dederit Remo et Romulo, id est mammam" —, et Paul. p. 135. Haec ex quo fonte ducta sunt, eidem illa quoque: *Ρουμίνα θηλωτὶς οὖσα — οὐ προσίεται τὸν ἄκρατον, ὡς βλαβερόν ὄντα τοῖς νηπίοις*, deberi, quodammodo significat inscriptio voluminis, quod citat Non. p. 167: "Rumam veteres mammam dixerunt. Varro *Caio l. de liberis educundis*, cet." Solebat enim ille scriptor diversis saepe locis easdem res tractare.

Restat quaestio Plutarchi 84. ed. W. p. 145 sq. ed. R.: *Διὰ τί τὴν τῆς ἡμέρας ἀρχὴν ἐκ μέσης νυκτὸς λαμβάνουσι;* cuius argumentum e Varrone, etsi nomen abest, sumptum ar-

-
- 24) Hic complures inspexit. Varronem quoque cogitare debemus. Nam eadem narrat *De L. L.* V, 8, 17. ac Plut. *Ρωμ. λ.* 3 line 4 init, qui eius rationem verisimillimam dicit (ἢ καὶ ἄλλα cet.). Cf. etiam *Liv.* 1, 4. *Plin.* XV, 18, 20. *Flor.* i, 1, 3. *Serv.* VIII, 90.

bitror. Nam hoc institutum ille, ut legimus apud Gell. III, 2. et Macrob. I, 3, qui Gellium ad verbum sequitur, "in libro rerum Humanarum, quem de diebus scripsit," adumbravit. De iisdem rebus Plin. II, 77, 79., qui in indice auctorum huius libri Varronem citat.

Ad illud investigandum, *Ait.* 90. ed. W. 150. ed. R.:

Διὰ τί τῷ Ἡρακλεῖ γινομένης θυσίας, ἄλλον οὐδένα θεῶν ὀνομάζουσιν, οὐδὲ φαίνεται κύων ἐντὸς τῶν περιβόλων, ὡς Βάρρων ἰσθόρηκεν., quamquam ansam Plutarcho dedit Varro, quem Plinius etiam contulit in libro suo X:mo (29, 41.), ubi similia scribit: "Romae in aedem Herculis — nec canes intrant.", ipsae tamen rei caussae; quae exponuntur, aliunde quaesitae videntur.

Venimus nunc ad locum maxime memorabilem, ubi Plutarchus ab inveterata quadam opinione, quae tamen et Romanorum, in iisque praecipue Varronis, et Graecorum scriptorum auctoritate comprobata, paene in legem abierat, suo ipsius iudicio usus recessit. Hanc enim rem, *Ait.* 101. ed. W. p. 157. sq. ed. R.: *Διὰ τί κοσμοῦσι τοὺς παῖδας τοῖς περιδεραίοις, ἃ βοῦλλας καλοῦσι* (25);, in quaestionem vocans, quatuor primum caussas examinat (26), deinde quintam his verbis rejicit: *ὃ μὲν γὰρ οἱ περὶ Βάρρωνα λέγουσιν, οὐ πιθανόν ἐστι, τῆς βοῦλλης ὑπὸ Αἰολέων βόλλας πρόσαγορευομένης, τοῦτο σύμβολον εὐβουλίας περιτίθεσθαι τοὺς παῖδας.*, ad quae apposite scribit Paul. p. 29: "Bulla au-

25) Cf. Ascon. in *Verr.* p. 199. ed. Orelli.

26) Quam primam fecit, commemoratur etiam *Πρωμ.* 20. et uberius a Macrob. I, 6. (p. 229. ed. Zeun.); secunda a Plin. XXXIII, 1, 4.

rea insigne erat puerorum praetextatorum, quae dependebat iis a pectore, ut significaretur eam aetatem alterius regendam consilio. Dicta est autem bulla a Graeco sermone βούλη, quod consilium dicitur Latine, vel quia eam partem corporis bulla contingat, id est pectus, in quo naturale manet consilium," similia Macrobius I, 6. (p. 230. ed. Zeun.). Se autem sermonem Latinum Aeolicae loquendi rationi cognatum habuisse, ipse indicat Varro *De R. R.* III, 1, 6: "lingua prisca et in Graecia Aeoleis Baeotii sine afflatu vocant collis Tebas, et in Sabinis, quo e Graecia venerunt Pelasgi, etiam nunc ita dicunt." et pluribus locis, *De L. L.* Cujusmodi exempla sunt explicationes verborum Putei V, 11, 41., Mali V, 21, 26., ceterorum. Verum tamen, si, quemadmodum Spengelius alique interpretes dicunt, locum illum V, 24, 33.: "Lorica — —. Balteum quod cingulum e corio habebant bullatum, balteum dictum.", spectat, LAURENT. LYDUS (ed. Imm. Bekker. Bonn. 1837 in *Corp. Scriptt. Hist. Ryzant.*) Περὶ ἀρχῶν II, 13.: Φίβουλων — — — ὀνομάζει. ὅτι δὲ οὐ Ῥωμαϊκὸν τοῦτ' ἐστὶ τὸ ῥημάτων, μάρτυς ὁ Ῥωμαῖος Βάρρων ἐν βιβλίῳ πέμπτῳ περὶ Ῥωμαϊκῆς διαλέκτου, ἐν ᾧ διαθροῦνται ποῖα μὲν τις λέξις ἐστὶν Αἰολικὴ ποῖα δὲ Γαλλικὴ, καὶ ὅτι ἑτέρα μὲν ἡ Θούσκων ἄλλη δὲ Ἐτρούσκων, ὧν συγχυθείσων ἡ νῦν κρατοῦσα τῶν Ῥωμαίων ἀπετελέσθη φωνή., certe apud Varronem multa vel corrupta sunt vel prorsus exciderunt. Illius sententiae auctor praeter Varronem Cato citatur ab eodem Lydo, I, 15.: οὐδὲ γὰρ ἀγνοήσας 27) ὁ Ῥωμύλος — δείκνυνται κατ' ἐκείνο καιροῦ τὴν

27) Dicit. Dionys. p. 116: ἔστησεν (Romulus) εἰκόνα, ἐπιγράψας ἐλληνικοῖς γράμμασι.

Ἑλλάδα φωνήν, τὴν Αἰολίδα λέγω, ὃς φασιν ὁ τε Κάτω
 ἐν τῷ περὶ Ῥωμαϊκῆς ἀρχαιότητος 28), Βάρρων τε ὁ πολυμα-
 θέστατος 29), ex quo loco simul intelligitur, veteres in caus-
 sa, de qua agitur, etiamsi Graecam linguam generatim com-
 memorent, Aeolicam proprie cogitare 30). Itaque hanc se-
 ctam secuti sunt plurimi Romanorum Grammatici, Tyrannio
 (Suid. s. v.), Cloatius Verus et Hypsicrates (Gell. XVI,
 12.), Quintilianus (1, 5, 56. 6, 31.), Priscianus alii prolati
 a Lerschio 31) et Bernhardyo 32); Graeci vero, qui saepissime
 de Latino sermone scripserunt, paene ad unum omnes; e qui-
 bus Dionys. (p. 76. et alibi), Juba, qui Plutarcho videtur
 γλιχόμενος ἐξελληνίσαι verba Latina (Novm. 13. Ῥωμύλ. 15.
 Αἰτ. Ῥωμ. 31. ed. W. p. 101. ed. R. Novm. 7. Αἰτ. Ῥωμ.
 24), Athenaeus (Δειπνοσοφ. X, 24. p. 27. ed. Stereot.).
 Quae cum ita sint, non possumus satis mirari liberum Plutar-
 chi, Graeci hominis, iudicium, hanc rationem saepenumero,
 etsi timide fere, reprehendentis (Ῥωμύλ. 15. Novm. 7. 13.

28) Hoc in fragmentis Catonis a Krausio aliisque collectis non re-
 peritur. Nec Lyd. I, 2. 47.

29) His quae sequuntur: *Εὐάνδρον καὶ τῶν ἄλλων Ἀρκάδων εἰς Ἰτα-
 λίαν ἐλθόντων ποτὲ καὶ τὴν Αἰολίδα τοῖς βαρβαροῖς ἐνσπειράντων
 φωνήν*, comparat Spengellius *De L. L. V, 4, 8*: "Evander enim
 qui venit in Palatium e Graecia, Arcas fuit." (p. 8.)

30) Cf. Quintil. I, 5, 56. et I, 6, 31. Lyd. I, 11.

31) In egregio libro *Die Sprachphilosophie der Alten. Thh. 3. Bonn.*
 1834 — 1841.

32) *Grundr. d. Röm. Litt. Halle 1830, p. 61 — 63. nn. 97 — 102.*

Μαρκέλλ. 8. 22. *Συμποσ.* VIII, 6. p. 896, 898. sqq. ed. R.); quod utrum recte an secus fecerit, alias disquiramus 33). Hic satis erit monuisse, eam causam fuisse, cur in illo vocabulo enodando a gravissimi Grammatici Varronis, atque adeo plurimorum scriptorum, auctoritate plane decederet. Ipse aliam verbi originem, haud scio an a nemine antea propositam, suadet, *Ῥωμύλ.* 20. Etenim putat insigne illud puerorum ingenorum dictum esse ἀπὸ τοῦ σχήματος, id est a forma sua; significat enim bulla Latino sermone globosum quoddam.

Inveniuntur tamen alii etiam loci, ubi Plut. Varronianas etymologias minus probabiles censurit. Ex his unum afferam, in quo suo Marte interpretis munere fungitur. Haec igitur, *Ῥωμύλ.* 16.: ὀπίμια 34) δὲ τὰ σκύλα, φησὶ

33) Erat imprimis verborum efferendi ratio Aeolica, quam etiam nunc in multis amplectuntur Graeci, similis Romanae, ut apparet e Dionys. p. 76: τὸ μὴ πᾶσι τοῖς φθόγγοις ὀρθοπεῖν, et Athenaeo, X, 24: τοὺς Αἰολεῖς μιμούμενοι, ὡς καὶ κατὰ τοὺς τόνους τῆς φωνῆς, aliis; id quod etiam affirmat TRHYLLITACHIUS, *pronuntiationem Latinam ex Aeolica repetendam esse explicandamque*. Viterb. 1709.; quamvis aliter visum sit Glareano posteaque Villosonio, qui Dorienstum disiecto Romanos plurima debere censent. Habuerunt vero Aetoles jam antiquitus colonias in Italia, e quibus nomen Cumas SCYRUS CHUS in poemate suo *Περὶ ἡγήσει*. (ed. Meinek. Berol. 1846.) v. 239. Nec hujus primigeniae cognationis et commercii ignarus Plut. crediderim, licet is sonorum similitudini, historicas res quaerens, non multum tribuendum duxerit.

34) Vel Plut. vel librarii falso scripserunt *Opimia* pro *Opima*, veluti ceteros, *Αἰ. 51.* (v. nostram p. 23.); *Macellus* pro *Macella*.

Βάρρων, καθότι καὶ τὴν περιουσίαν ὁ περ λέγουσι. Πιθανώτερον δ' ἂν τις εἴποι διὰ τὴν πρᾶξιν ὅπου γὰρ ὀνομάζεται τὸ ἔργον., indicio sunt, quam caute in hac arte auctore illo 35) usus sit, quum ne latinis quidem quasi radicibus defixarum vocum iterata explicatione supersederit.

Eidem Romanas res et antiquitatem investiganti maximam fidem merito adjunxit 36). Singulare ejus studium in temporibus exquirendis perspicuum his verbis laudat: *Ῥωμύλ. 12. Ἐν δὲ τοῖς κατὰ Βάρρωνα τὸν φιλόσοφον χρόνοις, ἄνδρα Ῥωμαίων ἐν ἱστορίᾳ βιβλιοκώτατον, ἦν Ταρούτιος ἑταῖρος αὐτοῦ —. Τούτῳ προσβαλεῖν ὁ Βάρρων ἀναγαγεῖν τὴν Ῥωμύλου γένεσιν εἰς ἡμέραν καὶ ὥραν cet., quam tamen ipse morositatem minime puta-*

35) Subtiliter disseruit HARTUNG, *Die Relig. d. Röm. Voll. 2. Erlang.* 1836. Th. 1. p. 276: "Es ist nicht Varro's Schuld, wenn so vieles, was er als Vermuthung hingestellt hatte, von seinen Nachschreibern für Gewissheit ausgegeben worden ist. Varro rechnete dahin ohne Zweifel vor allem seine Namens-Etymologien, in denen er natürlich nicht glücklicher war, als die übrigen alten Autoren."

36) Audiamus iterum Hartung. judicium *l. l.* p. 275: "Die Wirkungen dieser Forschungen auf Mit- und Nachwelt waren, wie wir aus den deutlichsten Spuren allenthalben erkennen, von ausserordentlicher Bedeutung. Denn alle, die uns irgend etwas von den röm. Religions-Alterthümern berichten, berufen sich auf Varro, wo dass man annehmen kann, dass sie denselben meistens auch da, wo sie ihn nicht nennen, excerptirt haben. Er ist also recht eigentlich das Fernrohr, durch welches wir in den Religionszustand der Römer hineinblicken."

vit 37): Ἀλλὰ ταῦτα μὲν ἴσως καὶ τὰ τοιαῦτα τῷ ξένῳ καὶ περὶ τῷ προσάξεται μᾶλλον ἢ διὰ τὸ μυθῶδες ἐνοχλήσει τοὺς ἐντυγχάνοντας αὐτοῖς.

Quamquam vero Plut. Varronis doctrinam bene cognovit, nonnunquam tamen ab ejus libris abstinuisse videtur. Originem enim nominis Circi Flaminii, *Airt.* 66; ed. W. p. 130. ed. R., aliter, quemadmodum declarat *De L. L. V.* 32, 43, explicavit. Magis etiam mirandum est, quod nec in quaestione illa difficili, 78. ed. W. p. 139. ed. R., cur sinistra a Romanis meliora, quam dextra habita sint, illum diligentissimum talium rerum investigatorem inspexit. In aliam enim sententiam Varronem disputasse, docet *Fest.* p. 260. s. v. *Sinistrae.*, qui ejus *Epistolicas Quaestiones* citat. Plutarchus Jubam sequitur, idem ac Liv. I, 18. et Dionys. p. 80. narrantem. Atque De Flamine Diali multa habent *Airt.* 109—113, quae Fabio Pictori, quo saepe Plut. usus est auctore (*Πρωμύλ.* 3. 8. 14.) vel alii cuiuspiam potius quam Varroni, tribus verbis unam ex illis quaestionibus (111:am) attingenti, *De R. R.* II, 3, 5., assignanda crediderim propter Gell. X, 15.

-
- 37) Diligentiam, qua Varro tempora dinumeravit commendat etiam CENSORIN., *De Die. Natali* (ed. Goetz. *Altorph.* 1742.) 21, 5.: "quodcunque caliginis Varro discussit: et pro cetera sagacitate, nunc diversarum civitatum conferens tempora, nunc defectus, eorumque intervalla retro dinumerans, eruit verum, lucemque ostendit, per quam numerus certus, non annorum modo, sed et dierum perspicui possit."

His jam expositis, operae pretium esset investigare, quae-
nam praecipue Varronis scripta Plut. evolverit, ni manum de
tabula tollere cogeret. Est enim longum quaerere de copiosissimi
auctoris libris, "qui," ut ait Augustinus 38), "tam multa legit,
ut aliquid ei scribere vacasse miremur; tam multa scripsit,
quam multa vix quemquam legere potuisse credamus." Acce-
dit, quod hujus laboris sive molestiam sive delectationem
anticipavit Franc. Oehler, scriptor juvenis 39), quo ego

38) *De Civit. Dei* (ed. Parisina altera. T. VII, 1838.) VI, 2.

39) Edidit librum *M. Terent. Varronis Saturarum Menippearum
Reliquiae. Quedlingb. et Lips. 1844.*, in cujus praefatione di-
cit: "Varronianorum fragmentorum primam offero particulam.
—: non deerit profecto, quominus alterum brevi volumen se-
quatur reliquorum operum Varronianorum fragmenta continens."
Promisit igitur, nec adhuc tamen, quantum ego scio, perfecit
illud gratum opus Philologis. Diu enim hoc studium jacuit,
in quo nec antiquiores multum praestiterunt. Videtur tamen
Bernhardy l. l. p. 326., nihil aliud hac in re desiderare, quam
ordinem et judicium. Atque nominat Bachrius (*Gesch. d. Röm.
Litt. Carlsruhe 1844—1845.*) Th. I, p. 347, n. 3. Th. II, p.
34, n. 4. p. 12, n. 6., qui scriptorum Varronis reliquias colle-
gerint, Riccobonum, Popmam, Wassium, Cortium, Havercam-
plum, Frotscherum. Popmae quidem librum comparare non
potui; quod si in eo, ut Bachrius significat (II, 12, 6.), ea
tantum fragmenta historica Varronis reperiuntur, quae tran-
scripserunt editores illi Sallustii, ridiculum paene est, ea lau-
dare; sunt enim duo minima ex Charis. et Clem. Alexandr.; V.
Wass. p. 271. Haverc. Vol. II, p. 379. Frotsch. Vol. I, p. 488.
In libro autem Riccoboni (*De Historia. Bas. 1579.*), pp. 216—
400, nulla Graeca, nec Dionysii nec Plutarchi nec Lydi nec

mo nec aetate superiorem, et eruditione doctrinaeque subsidii inferiorem habeo. Quare significo tantum, quaestiones a Plut. explicatas, in iis potissimum operibus perscriptas fuisse, quae spectant Augustinus 40): "Quadraginta et unum libros scripsit Antiquitatum: hos in res Humanas Divinasque divisit, rebus humanis viginti quinque, divinis sedecim tribuit," et Varronem alloquens M. Tullius 41): "Tu omnium Divinarum Humanarumque rerum *nomina*, genera, officia, *causas* aperuisti?"

aliorum inveniuntur; quare de eo minus accurate dixit Oehler, L. I. p. 14: "etiam Varronis non solum Saturarum, sed ceterorum quoque operum fragmenta undique collecta exhibuit."

40) L. I. VI, 3., ubi singulorum librorum argumenta exponuntur.

41) Acad. I, 3.

Corrigendu:

P. 4, lin. 21: πολυγρ. 6, 5: diligens. 11, 24: sequens. 15, 10: purgandam. 15, 22: ἱερὸν. προθύμως. 22, 2: appellabatur.
